

**CICIKOANBADIEGU**

**BULICINA FASO**

Ti báa dógú pò, li yaa dàni kúuma, ti baa paadí

-----  
**GUFENEMA MASOAGINDO**

**BAALO KOANBALA TAANLI  
JAGA DOAGIDIMA**

(PP-G/TRANS N°001-2025)

-----  
**Pengidiwende Silibeedi WEDIRAWOGO**

**Wagidugu, li binli 2025 cilè dana 9**

**Tinunga 1 bonmu 21 nni**

PP-G/TRANS N°001-2025 du 09 janvier 2025

Baalo Koanbala taanli den kali Wagidugu  
nani ban maani ki tiedi maama dana lele kuli,  
li binli 2025, cilè dana 9, alamuda daali  
ki cili leeri 9 yogunu ki ban gbeni leeri 12 leni miniti 15.  
Kapitenni Ibirayimi TARAWORE, yua n tie ti Diema Yudanciamo  
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni  
ki taa a jaga, ki puni i laabaali,  
ki dini bi niba a bala li tuonli po,  
ki puni u sanu bi niba n gedi dietoama nni ti Diema yeli po.

## **I. A JAGA**

## **I.1. KU CICIKOANBADIEGU KANI**

A koanbala taanli taa **masienkaama tili yenli** yaali n tuugi leni a koanbala lebidima yogunu waamu po bi yáá ye li kani.

Laa masienkaama tili goa ki pegidi taa masienkaama tili lanba 2024-1083/PRES/PM ki tie yaali n den ñani li binli 2024 ciyia dana 17 tuugi leni a koanbala lebidima yogunu waamu po bi yáá ye li kani.

Laa masienkaama tili goapegidima baa teni ban waani yaaba n yen baa lebidi a koanbala yogunu waamu po bi yáá ye li kani.

Laa masienkaama tili taama baa todi li beginjanli Guvenema tuona nni ki go todi a tuona n suagi ki yaa tuuni yaa yogunu ke koanbali ba ki ye li kani.

## **I.2. Yaa koanbadiegu n die ti diema tinbuona gobidima leni a sancena tuona**

A koanbala taanli tuo tinwaankaali yaali n mia Guvenema n pa u sanu tinfanma fiema po ke li tie bi niba kuli todima po, ki tie ban baa ñanbi naankani ke a lola baa yaa se, ki pugini yaa diena n yegi leni laa bonla yaa sanciamu n gondi Wagidugu balinma.

Laa tuoncianli n lingi yaala tie ki teni li sancenli n yaa tiedi ke li dagidi ki go dingi ke laa miabi a sancenla lan tie Wagidugu dotugu nni bi lan tie o ;buliñoana sani ; li go tie ki wadi jalibu a sancenla leni yaaba n ka ki baali u sanu po.

Ban baa fie yaa tinmu bi niba kuli todima ma ye Saaba, Kubiri, Komisiliga, Tangen Dasuri, Pabire leni Lunbila komininba nni.

A koanbala taanli puni u sanu mi tinfanma fiema po ke li tie bi niba kuli todima po, ki tie ban baa ñanbi naankani ke a lola baa yaa se, ki pugini yaa diena n yegi leni laa bonla yaa sanciamu n gondi Wagidugu balinma.

### **I.3. YAA KOANBADIEGU N DIIDI TI DIEMA LOAGU LENI I LIGI**

A koanbala taanli taa **masienkaama tila taa (03)**.

**Masienkaama tikpiali** tuugi leni mi diema coala tinwaankaali li binli 2023 nni.

Mi diema coala tinwaankaali li binli 2023 nni tie yaa tuonsoanjaana n tuuni a coala tuonli ti diema nni tuona waanma.

Li tie yaa tuonsoantiagu n todi ke bi bigidi a coala tuona. Ku todi ke ti bigidi ki bandi a coala tuona ya fidi ki ñandi li bonwaankaala yaala n todi ti ke tin le ti diema n pia yaa nunlema a tuona po ya soani ki suagi liiga.

Laa masienkaama tili taama baa teni ban tuo mi diema coala tinwaankaali li binli 2023 nni nani masienkaama tili lanba 2007-741/PRES/PM/MEF ki tie ban den ñani yaali li binli 2007 piiga n ciyendo dana 19 ki waani a coala tuonli ti diema nni n tie yaali, li tuonjaana n bogini maama leni li tuona n baa yaa cuoni maama.

**Masienkaama tilieli** tuugi leni ti diema coala tuonboginkaana tili li binli 2025 po.

Ti diema coala tuonboginkaana tili tie yaa tuonsoantiagu n baa soani ti diema nunlema a coala tuona po. Laa tili baa todi a coala tuonjaana n fidi ki ñani u yogu li bonwaankaala yaala n baa fidi ki pegidi ñama. Li go baa todi ban yaa tendi u yogu kuli ban bua yaa yogunu a coala laabaali yi tiegi ki baa todi tin yaa ñua ki diidi yaa tuona n tuuni ki tuugi leni Bulicina Faso nunlema leni wan taa yaa ñoaniani li ñandunli nni.

Laa masienkaama tili baa teni Bulicina Faso n baa ti diema po a coala tuonboginkaana tili li binli 2025 po ke lan teni ban yaa tendi a coala laabaali yi baa todi tin yaa diidi yaa tuona n tuuni ki tuugi leni ti diema findima tuonboginkaana.

**Masienkaama titaali** tuugi leni ban cilini baalo tuonsoanjaali yaali n baa yaa ye bu kpaabu leni li yanwubili tuonbuoli po.

Ba ke baalo leni o todikaaba tieni li moandili bu kpaabu leni li yanwubili tuonbuoli po, hali Moala li boginmoanli poadi laa tuonbuoli leni li tuonsoanba nni.

Baalo tuonsoanjaali yaali n baa yaa ye bu kpaabu leni li yanwubili tuonbuoli po cilma baa todi bu kpaabu leni li yanwubili tuonbuoli findima laa tuonsoanba po ki go todi mi diema loagu kpedima.

Yeni, baalo tuonsoanjaali yaali n baa yaa ye bu kpaabu leni li yanwubili tuonbuoli po lebidi anakaridi tiidi tuonsoanjaali. Li tuonli tie ki yaa gobidi ki go todi mi fidimoanma tuona li yanwubili leni bu kpaabu po Bulicina Faso nni.

Laa masienkaama tili taama baa teni ban cilini baalo tuonsoanjaali yaali n baa yaa ye bu kpaabu leni li yanwubili tuonbuoli po nani masienkaama tili lanba 2014-609/PRES/PM/MEF/MFPTSS ki tie yaali n ñani li binli 2014 cilele dana 24 ki waani baalo tuonsoandiedi cilima, ti kubili leni ti bolinma n baa yaa ñua maama.

#### **I.4. YAA KOANBADIEGU N DIE YAA NANTAADI N YE TI DIEMA LENI DIETOAMA SIIGA, TI DIEMA TUGINMA LENI I NIBOANDOGI, KI PUGINI TI DIEMA NIBA YAABA N YE DIETOAMA NNI MAAMA**

A koanbala taanli taa **masienkaama tila lie (02)**.

**Masienkaama tikpiali** tuugi leni baalo saliwuudi diegu luodima Bulicina Faso maabila po Siba Perefekitiri nni lan tie Sapon diema nni.

Siba Perefekitiro tie yaa dojaali n kuu leni u dociamu Tokiyo, naankani ke Bulicina Faso maabila ye ki yabi. Bi baa fidi ki yaa ca laa saliwuudi diegu kani ki ñanbidi bi tila yà n tuugi leni bi yien laa diema nni.

Baalo saliwuudi diegu luodima Bulicina Faso maabila po Siba Perefekitiri nni go baa teni ti diema tuonsoandiedi coali n pugini Sapon diema nni.

Laa masienkaama tili taama baa teni ban luodi baalo saliwuudi diegu Bulicina Faso maabila po Siba Perefekitiri nni nani masienkaama tili lanba 2024-0453/PRES-TRANS/PM/MAECRBE/MEFP ki tie yaali n ñani li binli 2024 cinaa dana 17 ki gobidi Bulicina Faso baalo saliwuudi diedi dioama nni leni yaaba n baa yaa godidi laa tuonsoandi tuonli.

**Masienkaama tilieli** tuugi leni Bulicina Faso n gandi yua ke o baa yaa gobidi baalo saliwuudi diegu Bulicina Faso maabila po Siba Perefekitiri nni lan tie Sapon diema nni.

Laa masienkaama tili taama teni ke bi dini li bali o joa **Tayido ISIGE** ke o tua Bulicina Faso n gandi yua ke o baa yaa gobidi baalo saliwuudi diegu Bulicina Faso maabila po Siba Perefekitiri nni lan tie Sapon diema nni, ke li tuugi leni masienkaama tili lanba 2024-0453/PRES-TRANS/PM/MAECRBE/MEFP ki tie yaali n ñani li binli 2024 cinaa dana 17 ki gobidi Bulicina Faso baalo saliwuudi diedi dioama nni leni yaaba n baa yaa godidi laa tuonsoandi tuonli.

## I.5. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFU TUONA

A koanbala taanli taa **masienkaama tili yenli** ki tuo ti diema n bogini yaa tili ki boagidi dajo tuonsoandiegu kuli leni kun baa yoadi yaa sanbili mi fawaama nni bi niba n fidi ki yaa cengi o.

Laa masienkaama tili goa ki pegidi masienkaama tili lanba 2013-452/PRES/PM/MDENP ki tie ban den ñani yaali li binli 2013 ciluoba dana 7 ki tuo ti diema n bogini yaa tili ki boagidi dajo tuonsoandiegu kuli leni kun baa yoadi yaa sanbili mi fawaama nni bi niba n fidi ki yaa cengi gu.

Li boncanla yaala n tugi yuli laa masienkaama tili nni tie :

- li câbili yaali yaa lanba n tie 6425-7125 MHz bandima yaa tuonsoanjaana n bua ki bugini ti tuonsoantiadi yaadi n baa yaa ye i laabaali tenma li ñandunli nni po;
- li câbili yaali yaa lanba n tie 3600-3800 MHz tenma u nuu telefonni tuonsoanjaana po ama i biakaabi telefonni ki taa lienni. Bi gagidi laa câbili ki fidi ki yaa yi li ñandunli nni leni u nuu telefonni lan tie yaaba n tagi leni mi tagipanma ban yi yaama 5G.

Laa masienkaama tili taama teni ke Bulicina Faso baa yaa tili n bogini dajonba caba ke lan yegi leni mi tagipanma n suagi liiga maama ki go pugini laa tiboginkaali kubijanli.

## **II. I LAABAALITENKE**

**II.1.** yaa koanbali n die yaa ɲantaadi n ye ti diema leni dietoama siiga, ti diema tuginma leni i niboandogi, ki pugini ti diema niba yaaba n ye dietoama nni maama puni a koanbala taanli yaa laabaali n tuugi leni ti diema Yudanciamo Kapitenni Ibirayimi TARAWORE n den gedi Gana ki ban kali laa Diema bado Jonni Daramani MAHAMA kalima ti gbandi po li binli 2025, cilè dana 7 Akira dogu nni.

Wan ye lipo yaa yogunu, o den boeni leni Bulicina Faso maabila yaaba n ye Gana. Kapitenni Ibirayimi TARAWORE den waani ke o baa moandi leni o fidu kuli ki kpeli Bulicina Faso yeli li ɲandunli nni, ki go koani leni a bonpiena (a nipiena) yaaba n moa diedi ti. Lani yaapo, o mia Bulicina leni Gana nibuoli n taani ki moa mi niboandiema muali ki todi AYESI lan tie Sayeli dotaadi laa muali nni.

Laa taanli yogunu o go den mia Bulicina Faso maabila yaaba n ye Gana n todi bulicina leni wan pia yaa muana ki tuugi leni u loagu leni mi yanduama luoma.

Bulicina Faso Bado gedima Gana bado kalima ti gbandi po tua tanpuupanle ti diema leni Gana diema danligu po.

**II.2.** Li guunli koanbali puni a koanbala taanli yaa laabaali n tuugi leni Sayeli dotaadi Cagili koanbala n den taani ki kali ki ñani yaa sanbila n baa todi a sancenla bandima laa dotaadi nni lan tie Bulicina Faso, Mali leni Niseeri . Li taanli den tieni li binli 2024 piiga n ciyendo dana 21 ki gedi o 22 Bamako dogu nni lan tie Mali diema nni.

Li taanli yaali n den taani Sayeli dotaadi Cagili koanbala mayuli den tie ki bogini mu nunmu tila leni yaa tila n baa teni ban bandi sancenlo n tie yua AYESI dotaadi nni ke ɲan yaa tie yenma ke lan todi laa dogi niba n yaa cuoni leni bi tiadi ke yanbani ba ki ye, ki nan go teni laa tila n tugini leni yaa balimaama n ye li ɲandunli.

Bi taantieba den noanli laa dotaadi bandiciama cagili n den soani yaa tuonkpiali, ki pugini dogu kuli nicagili n cuani yaa pegidima, li yaa puoli po ki yuandi ki ñani yaa sanbila n baa todi a sancenla bandima laa dotaadi nni. Laa sanbila ñoadima baa cili i dotaadi yeni nni li binli 2025 ñemaleeedi nni.

### **III. BAN DINI YAABA A BALA**

### **III.1. BAN DINI YAABA A BALA YENDO YENDO TUONA PO**

#### **A. BULICINA FASO YUDANCIAMO BADIDIEGU KANI**

- Tirawogo Sougirinoma Ibirayimi **JIGIMA**, joa ke o lanba li tuonli nni tie **02 71 C**, ki tie labaatenko, dini li bali ki tua bu labaalipaabu tuona tuginma leni bi niba liiga yua.

#### **B. KU CICIKOANBADIEGU KANI**

- Yusufi **WATARA**, joa ki tie a minteela liigiyua, dini li bali ki tua mi diema findima tuona cagili ligi gobidima liigiyua.

#### **C. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA**

- Lamini **YODA**, joa ke o lanba li tuonli nni tie **53 501 L**, ki tie u loagu kubima tuonsoanlo, dini li bali ki tua a tuona gobidima goandika.
- Mahamadu **SANPALIGIRE**, joa ke o lanba li tuonli nni tie **215 227 G**, ki tie u cogu kpaagima bangima tuonsoanlo, dini li bali ki tua a tuona soanma gobidika.
- Assiata **WEDIRAWOGO**, pua ke o lanba li tuonli nni tie **205 544 Y**, ki tie u cogu kpaagima bangima tuonsoanlo, dini li bali ki tua a tuona soanma gobidika.
- Badayi Herimani **SOMA**, joa ke o lanba li tuonli nni tie **130 363 V**, ki tie juju, dini li bali ki tua a tuona soanma gobidika.
- Kayi Selini Sara **KONE/DIALO**, pua ke o lanba li tuonli nni tie **130 477 W**, ki tie juju, dini li bali ki tua a tuona soanma gobidika.
- Jan Vikitoriyeni **TOWE**, joa ke o lanba li tuonli nni tie **130 331 T**, ki tie juju, dini li bali ki tua a tuona gobidima tundika.
- Rawogo Fideli Desire li poliel **SONDO**, joa ke o lanba li tuonli nni tie **288 387 B**, ki tie enterineti bandika, dini li bali ki tua i labaali boginma sanbila liigiyua.

## **D. YAA KOANBADIEGU N DIE TI DIEMA LOAGU LENI I LIGI KANI**

- **KY** pua Kolotidi Honorini **NIKIEMA**, pua ke o lanba li tuonli nni tie **34 033 R**, ki tie i ligi tuona beginma tuonsoanlo, dini li bali ki tua i ligi tuona beginma gobidika.
- **BAGUYAN** Aliseta **KABORE**, pua ke o lanba li tuonli nni tie **31 970 A**, ki tie ɳalimani tuonsoanba gobidika, dini li bali ki tua i ligi tuona gobidika.
- Wango Fideli **YAMEWOGO**, joa ke o lanba li tuonli nni tie **58 778 P**, ki tie ɳalimani tuonsoanba gobidika, dini li bali ki tua mi diema nni bonla kuli ligi cagili tuonsoandiegu liigiyua.
- Amidu **WEDIRAWOGO**, joa ke o lanba li tuonli nni tie **111 138 L**, ki tie i ligi tuona beginma tuonsoanlo, dini li bali ki tua u taajuogu tuonsoandieciangu liigiyua.
- Dawuda **WEDIRAWOGO**, joa ke o lanba li tuonli nni tie **111 139 M**, ki tie i ligi tuona beginma tuonsoanlo, dini li bali ki tua mi findima leni mi milebicanma tuona soanma liigiyua.
- Adama **WANDE**, joa ke o lanba li tuonli nni tie **112 342 E**, ki tie ɳalimani tuona goandika, dini li bali ki tua mi gaanilindima cagili tuona ligikubika.
- Seyidu **KONATE**, joa ke o lanba li tuonli nni tie **97 693 P**, ki tie i ligi tuona goandika, dini li bali ki tua Bulicina nni Suudu Bawude (BSB) tuonsoanjaali tuona ligikubika.
- Etieni **NIKIEMA**, joa ke o lanba li tuonli nni tie **97 614 S**, ki tie i ligi tuona goandika, dini li bali ki tua mi diema nni mi soama ñanma tuonsoandiegu tuona ligikubika

**E. YAA KOANBADIEGU N DIE YAA NANTAADI N YE TI DIEMA  
LENI DIETOAMA SIIGA, TI DIEMA TUGINMA LENI I  
NIBOANDOGI, KI PUGINI TI DIEMA NIBA YAABA N YE  
DIETOAMA NNI MAAMA**

- Salimata **BARO**, pua ke o lanba li tuonli nni tie **35 925 E**, ki tie i ligi tuona beginma tuonsoanlo, dini li bali ki tua a tuona bonginma gobidika.

**F. LI LAAFIALI KOANDIEGU KANI**

- Atina **YARIGA**, joa ke o lanba li tuonli nni tie **78 233 K**, ki tie a logitodieciama leni li laafiali tuona gobidima tuonsoanlo, dini li bali ki tua mi bangima tuona liigiyua.

**G. YAA KOANBADIEGU N DIIDI ENTERINETI, A TISOANKAANA  
TUONSOANDIEDI LENI TANKALAFO TUONA**

- Tegi-Wende Idirisa **TINTO**, joa ke o lanba li tuonli nni tie **255 514 L**, ki tie enterineti nni tuona bangikaciamo, dini li bali ki tua enterineti leni a tisoankaana tuonsoandieciangu liigiyua.

**H. YAA KOANBADIEGU N DIIDI MI TAGIMA TUONSOANDIEDI,  
U KPENDU TUONA LENI U NUU TUONSOANBANMA**

- Bienvenu **PARE**, joa ke o lanba li tuonli nni tie **49 103 A**, ki tie i ligi tuona beginma tuonsoanlo, dini li bali ki tua Bulicina nni ti kunkundi tuonsoanjaali (SOFITEKISI) tuonsoadieciangu liigiyua.
- Matiren Nomwende **SONGO**, joa ke o lanba li tuonli nni tie **225 069 N**, ki tie i ligi tuona beginma tuonsoanlo, dini li bali ki tua mi diema nni u yogunu cenli tuonsoandieciangu tuona gobidima ligi liigiyua.

## **I. YAA KOANBADIEGU N DIE A BONWAALA COGU, TI MAAMAMAAMAAMA COGU LENI TI DIEMA MABUOLI FINDIMA**

- Amiru Jama Huberi **CONBIANU**, joa ke o lanba li tuonli nni tie **43 414 H**, ki tie a bonwaala cogu, ti maamaamaama cogu leni ti diema mabuoli findima gobidika, dini li bali ki tua u Gulimu diema Esi cogibiwaala canbaanba bangima cogidieciangu liigiyua.

## **J. A BICEGIDIKAANA COGU LENI MI TUONSOANBANMA BANGIMA KOANBADIEGU**

- **WEDIRAWOGO** pua Masara **WATARA**, pua ke o lanba li tuonli nni tie **48 476 M**, ki tie a bicegidikaana leni a cogibigbenga cogidiena tuona ligi kubima tundika, dini li bali ki tua a tuona ηoadima sanbila gobidika ;
- Basanbie Davidi **BADO**, joa ke o lanba li tuonli nni tie **220 542 E**, ki tie a bicegidikaana cogu tundika, dini li bali ki tua a tuona soanma liigiyua ;
- Yaya **BONKUNGU**, joa ke o lanba li tuonli nni tie **256 549 A**, ki tie a cogibicegidikaana canbaa, dini li bali ki tua a tuona soanma liigiyua ;
- Mayimuna **SANON**, pua ke o lanba li tuonli nni tie **48 813 Y**, ki tie a cogibicegidikaana cannaa, dini li bali ki tua laafia piama yogunu n kuli leni u cogu dagidima joa bi pua kuli po tuona liigiyua ;
- Pulemawende Davidi **KIENTEGA**, joa ke o lanba li tuonli nni tie **112 581 J**, ki tie a bicegidikaana cogu gobidika, dini li bali ki tua u cogu bangima dianma a masina nni liigiyua ;
- Lariba **PILIGA**, joa ke o lanba li tuonli nni tie **211 773 C**, ki tie bi nipanba gobidima yogunu n kuli tundika, dini li bali ki tua mi yema sanbila ηoadima yogunu n kuli, mi diema niba yema ηoadima leni o nisaalo yema teginma sanbila liigiyua ;
- Ŧieyani Eloteri **SOMIDA**, joa ke o lanba li tuonli nni tie **54 512 C**, ki tie a cogibicegidikaana canbaa, dini li bali ki tua tonma bonla gobidima liigiyua .

## **K. A COGIBIGBENGA COGU LENI MI BANCANMA LINGINMA KOANBADIEGU**

- Emanieli **BAMOGO**, joa ke o lanba li tuonli nni tie **104 793 R**, ki tie i ligi tuona gobidima tuonsoanlo, dini li bali ki tua Nasi BONI Iniverisite ligi tuona gobidima liigiyua.

## **L. TI GAANILINDIMA, MI ÑIMA LENI I YIANBONFUODI BOLINMA TUONA KOANBADIEGU KANI**

- Guyibieni Kileyofasi **SERIBO**, joa ke o lanba li tuonli nni tie **011 064 M**, mi ñima leni li fuali bandikaciamo, dini li bali ki tua a tuona soanma liigiyua;
- Fiedi **HAKIEKU**, joa ke o lanba li tuonli nni tie **47 793 C**, ki tie gadiforenba gobidikaciamo dini li bali ki tua mi diema gadiforenba cogidiecionli (ENEFI)liigiyua;
- Nadesi Filora **DU BARY/BATIONO**, pua ke o lanba li tuonli nni tie **212 657 C**, ki tie bu kpaabu sanbila bandikaciamo, dini li bali ki tua mi ñima nni bonfuoda kubima liigiyua;
- Idrissa **KEDIRE**, joa ke o lanba li tuonli nni tie **81 885 L**, ki tie a bicegidikaana cogidiena nni leni a cogidiegbenga nni tundika , dini li bali ki tua mi diema nni i tiidi bonbulikaala tuonsoandieu ligi gobidima liigiyua.

## **M. KU GBANANSAAGU JELITI TUONA, BI NIPANBA LENI A TUONA BAAMA KOANBANDIEGU KANI**

- Kunvèegane Sarilemañe **DABIRE**, joa ke o lanba li tuonli nni tie **00 36 J (PNVB)**, ki tie bi niba yema cogu bandikaciamo, dini li bali ki tua Bulicina Faso niba kuli ñamu po tuona tidiankaciamo.

## **N. GUVENEMA LENI A KOANBALA TAANLI TILA DIANMA TUONSOANDIECIANGU KANI**

- Hanpugini Jan Parife **OUOBA**, joa ke o lanba li tuonli nni tie **304 125 H**, ki tie ti tuonsoandiedi gobidima tuonsoanlo, dini li bali ki tua du 004

tuonboginkaana liigiyua « Guverinema tuona beginma po », ki go taani ki tie u cogu beginma tuona liigiyua.

### **III.2. BAN DINI YAABA A BALA A TUONSOANJAANA YELI PO**

A koanbala taanli n dini yaaba a bala a tuonjaana tuona gobidima po:

- mi diema findima po tuonli ku Cicikoabandiegu kani;
- Eri Bulicina ESIA tuonsonsoancagili ti diema tinbuona gobidima leni a sancena tuona Koanbadiegu kani ;
- Bulicina nni ti junjuntalinkaadi noanlima tuonsoancagili i laabaali tenma, ku maasuagu, i nii tagima leni yanluadi goada tuona Koanbadiegu kani;
- i ligi ñanma tuonsoandiegu a tuonsoanjaabila tuona u yogunu kuli po mi tagima tuonsoandiedi, u kpenu leni u nuu tuonsoanbanma tuona koanbadiegu kani .

A Koanbali Taanli go dini mi diema findima po tuona tuonsoancagili Yudanciamo bali.

#### **A. KU CICIKOANBADIEGU**

Li jagikpiali guani ki pandi **TU** pua Agiratu **NANA** bali, ke o lanba li tuonli nni tie **216 748 K**, ki tie a tuona bangima tundika, ki teni ke o baa ki tie mi diema findima po tuona bonginma tuonsoanlo Baalo yeli po ku Cicikoanbadiegu kani bina taa (03) po.

Li jagilieli guani ki pandi **TU** pua Agiratu **NANA** bali, ke o lanba li tuonli nni tie **216 748 K**, ki tie a tuona bangima tundika, ki teni ke o tua mi diema findima po tuona bogenma yudanciammo bina taa (03) po.

#### **B. TI DIEMA TINBUONA GOBIDIMA LENI A SANCENA TUONA KOANBADIEGU KANI**

A Koanbala Taanli taa li jagili ki dini li bali Karimi **TAPISOBA**, joa ke o lanba li tuonli nni tie **360 008**, ki tie i biakaabi cenli nni bandiciamo, ke o tua Edi

Bulicina tuonsoancagili tuona gobidima tuonsoanlo mi diema biakaabi yugima tuonsoandiegu yeli po bina taa (03) po daaga.

### **C. I LAABAALI TENMA, KU MAASUAGU, I NII TAGIMA LENI YANLUADI GOADA TUONA KOANBADIEGU KANI**

A Koanbala Taanli taa li jagili ki dini a bala yaa niba n tie ne ke bi tua Bulicina nni ti junjuntalinkaadi tuonsoancagili tuona gobidima tuonsoanba Baalo yeli po bina taa (03) po daaga.

#### **A. Ti diema tinbuona gobidima leni a sancena tuona koanbadiegu kani :**

- Zalissa **KOMPABIRE**, pua ke o lanba li tuonli nni tie **46 657 H**, ki tie bi niba tuona gobidima tuonsoanlo.

#### **Ku Cicikoanbadiegu kani :**

- Abidulaye **SAWADOGO**, joa ke o lanba li tuonli nni tie **215 150 X**, ki tie a masina tuona nni bandiciamo, ke o gaa Jan-Bapitisi DIPAMA kaanu.

### **B. MI TAGIMA TUONSOANDIEDI, U KPENDU LENI U NUU TUONSOANBANMA TUONA KOANBADIEGU KANI**

A Koanbala Taanli taa **jaga lie (02)**.

Li jagikpiali dini a bala yaa niba n tie ne ke bi tua i ligi ñanma a tuonsoanjaabila po tuonsoandiegu tuona gobidima tuonsoanba bina taa (03) po.

### **BAALO TUONA BOGINMA KOBIDIKA**

#### **Ku gbanansaagu jeliti tuona, bi nipanba leni a tuona baama koanbadiegu kani :**

- Abideli Kaderi **BA**, joa ke o lanba li tuonli nni tie **212 365 D**, ki tua a tuona bangima tundika, ki gaa o joa Ali TONANE kaanu.

# I LIGI ÑANMA A TUONSOANJAABILA PO TUONSOANDIEGU TUONA BOGINMA TUONSOANBA GOBIDIKA

- **KARANBIRI** pua Fatumata **BITIE**, pua ke o lanba li tuonli nni tie **31 70 P**, ki tie juju, ki gaa o joa Inusa **KIRAKOYA** kaanu.

**Li jagilieli** guani ki pandi o joa Sumayila **WATARA** bali, ki tie Bulicina nni u kpendu Banko liigiyua, ke o tua i ligi ñanma a tuonsoanjaabila po tuona beginma tuonsoandieu kani a tuona gobidika Bulicina nni bankinba leni i ligi tuonsoandiedi cagili yeli po, bina taa (03) po hali o cicibali dana juodima daali.

Gufenema Masoagindo

Le Porte-parole du Gouvernement,



**Pingwendé Gilbert OUEDRAOGO**

Chevalier de l'Ordre de l'Étalon

[www.sig.gov.bf](http://www.sig.gov.bf)

**Pengidiwende Silibeedi WEDIRAWOGO**  
*O baa Baalo jaandi leni Tanjoa maalima*